

Marina Núñez Orjales, Secretaria do Concello de Carballo – A Coruña

CERTIFICO:

Que a Xunta de Goberno Local, en sesión Ordinaria celebrada en data luns 7 de abril de 2025 adoptou, entre outros, o seguinte acordo:

“3.- CONCESIÓN SUBVENCIONS NOMINATIVAS

3.7.- Concesión de subvención nominativa a Asociación Deportiva e Cultural Voleipraia Costa da Morte para o financiamento da actividade “Escolas Deportivas Voleipraia 2025”

A alcaldía da conta da proposta de data 04/04/2025, contida no expediente 2025/A004/000007 e 2025/G006/000146, do concelleiro delegado da Área de Deportes e Participación Cidadá, José Daniel Pérez López.

ANTECEDENTES

O Concello de Carballo, de acordo ós principios xerais que seguirán as diferentes administracións para o de fomento da práctica do deporte segundo o artigo 4 da Lei do Deporte de Galicia, e en virtude das competencias establecidas no artigo 8 da mesma lei para os municipios, considera a colaboración co Asociacionismo Deportivo do ámbito territorial propio como pilar básico para acadar un sistema deportivo participativo, amplo e diversificado e cumprir ca encomenda de fomento e protección do dereito ó coñecemento e á práctica do deporte.

A Base de Execución vixésima novena, apartado dous, do Orzamento Xeral para 2025 do Concello de Carballo”, dita que “No exercicio 2025, conforme ó establecido no artigo 22.2.a) da Lei xeral de subvencións outorgaranse as subvencións nominativas que seguidamente se detallan aos perceptores e polo importe máximo que se indica:”, figurando, entre outros o seguinte:

Aplicación Orzamentaria	Beneficiario / Actividade	Importe
3410.48901	ADC VOLEI PRAIA COSTA DA MORTE	6.000,00 €

A entidade “ADC Voleipraia Costa da Morte” (CIFG15866890) é unha asociación sen ánimo de lucro, inscrita no Rexistro Municipal de Asociacións co número 043, e que promove actividade relacionada ca modalidade deportiva do voleipraia no ámbito do Concello de Carballo .

En data 13 de febreiro de 2025 (Nº Rxtro. Entrada 202590000001142), “ADC Voleipraia Costa da Morte” realiza petición de colaboración económica do Concello de Carballo para realizar a actividade “Escolas Deportivas de Voleipraia 2025”, incluíndo proxectos de actividade e orzamentos, entre outros.

Consta no expediente o informe da Intervención municipal de data 04/04/2025.

FUNDAMENTOS XURÍDICOS.

- Artigo 25.2.L da Lei 7/1985, do 2 de abril, Reguladora das Bases de Réxime Local.
- Artigo 22.2.A da Lei 38/2003, do 17 de novembro, Xeral de Subvencións.
- Artigo 8 da Lei 3/2012 do Deporte de Galicia.
- Ordenanza Xeral de Subvencións do Concello de Carballo (BOP de A Coruña núm. 29 de 9 de febreiro de 2018).
- Bases de Execución do orzamento xeral para 2025 do Concello de Carballo.

CONCELLO DE CARBALLO

C.I.F.: P1501900C
 Praza do Concello S/N
 Teléfono 981 70 41 00
 www.carballo.gal
 infocarballo@carballo.gal
 15100 CARBALLO- A Coruña



Exp. 2025/G007/000007

Por iso, en base ao Decreto 632/2025, do 26, de febreiro, de revogación e delegación de competencias na Xunta de Goberno Local, a Xunta de Goberno Local, por unanimidade, acorda:

PRIMEIRO.- Aprobar, con arranxo á base vixésima novena, apartado dous, das de Execución do Orzamento da Corporación para 2025 o outorgamento dunha subvención nominativa por importe de 6.000,00 € con cargo á aplicación orzamentaria 3410.48901, a “ADC Voleipraia Costa da Morte” (CIFG15866890) para a realización da actividade “Escolas deportivas de voleipraia 2025”.

SEGUNDO.- Aprobar o texto do “Convenio de colaboración entre o Concello de Carballo e ADC Voleipraia Costa da Morte (CIFG15866890)”, correspondente á subvención nominativa outorgada para financiar a realización da actividade “Escolas deportivas de voleipraia 2025” cuxo clausulado se transcribe a continuación, e proceder á súa formalización.

“Convenio de colaboración entre o Concello de Carballo e ADC Voleipraia Costa da Morte (CIFG15866890), correspondente á subvención nominativa outorgada para financiar a realización das actividades actividades “Escolas Deportivas de Voleipraia 2025”.

En Carballo, o __ de _____ de 2025, REUNIDOS D. Evencio Ferrero Rodríguez (_____), Alcalde do Concello de Carballo, e D. Rubén Eduardo García Costa (_____), Presidente de “ADC Voleipraia Costa da Morte”, MANIFESTAN

Que ambas partes se recoñecen plena capacidade para otorgar o presente convenio.

Que o Concello de Carballo, dacordo ós principios xerais que seguirán as diferentes administracións para o de fomento da práctica do deporte segundo o artigo 4 da Lei do Deporte de Galicia, e en virtude das competencias establecidas no artigo 8 da mesma lei para os municipios, considera a colaboración co Asociacionismo Deportivo do ámbito territorial propio como pilar básico para acadar un sistema deportivo participativo, amplo e diversificado e cumprir ca encomenda de fomento e protección do dereito ó coñecemento e á práctica do deporte.

Que ADC Voleipraia Costa da Morte (G15866890) é unha asociación sen ánimo de lucro, inscrita no Rexistro Municipal de Asociacións co número 43, e que promove actividade relacionada ca modalidade deportiva do voleipraia no ámbito do Concello de Carballo.

En función das consideracións expostas, o Concello de Carballo e Asociación deportiva e cultural Voleipraia Costa da Morte, coa finalidade de determinar as condicións da súa colaboración, acordan formalizar o presente convenio, dacordo cas seguintes CLÁUSULAS

I.- Obxecto.

O presente convenio ten por obxecto establecer as bases da colaboración entre o Concello de Carballo e Asociación deportiva e cultural Voleipraia Costa da Morte para financiar a realización da actividade “Escolas deportivas de Voleipraia 2025”.

Esta consiste en actividades lúdicas basadas no xogo do voleipraia, dirixidas a usuarios e usuarias a partir dos 5 anos de idade, a celebrarse en Carballo, na praia de Razo entre o 16 de xuño e o 14 de setembro, segundo o proxecto realizado pola entidade beneficiaria, con previsión de 2.000 participantes e ca característica base de acceso libre e gratuío.

II.- Orzamento de gastos da actividade a realizar pola entidade beneficiaria.

A Entidade Beneficaria desenvolverá as actividades programadas, segundo o definido na cláusula anterior, conforme ós seguintes orzamentos:

GASTOS		INGRESOS	
CONCEPTO	IMPORTE	CONCEPTO	IMPORTE
Persoal- Monitores	6.600,00 €	Subvención do Concello de Carballo	6.000,00 €
Cartelería e Deseño	200,00 €	Fundación Luis Calvo	1.000,00 €
Medallas, trofeos e agasallos	500,00 €	Deputación da Coruña	1.500,00 €

Material Deportivo	500,00 €		
Póliza de Accidentes e RC	300,00 €		
Material Vario	400,00 €		
TOTAL	8.500,00 €	TOTAL	8.500,00 €

Na execución do orzamento poderase modificar a cuantía aplicada a cada concepto de gasto en función das propias necesidades de execución da actividade subvencionada, se ben se deberán respectar os conceptos de gasto definidos no mesmo.

III.- Financiamento do Concello de Carballo e outros ingresos que se obteñan ou aporten para a mesma finalidade.

1. O Concello de Carballo contribuirá ó financiaménto das actividades, tal como se define na cláusula primeira, con una aportación máxima de **6.000,00 €**, o que representa unha porcentaxe máxima do **70,59 %**, debido ó interese social da actividade que vai dirixida a usuarios e usuarias de diferentes grupos de idade e ó carácter gratuito da mesma.

En caso de que o gasto xustificado non acadara o importe total previsto na cláusula segunda, o Concello de Carballo só aportará o importe que represente o 70,59 % da cantidade efectivamente xustificada.

O importe do financiamento municipal farase efectivo con cargo á aplicación orzamentaria 3410.48901, do Orzamento Xeral do Concello de Carballo para 2025.

2. A subvención do Concello de Carballo é compatible ca percepción de outras subvencións ou axudas, públicas ou privadas, que a entidade beneficiaria obteña para a mesma finalidade, sempre que o seu importe, xunto co da subvención municipal, non supere en ningún caso o importe total do gasto efectivamente xustificado.

3. Non obstante, no caso de que a concurrencia de axudas ou subvencións supere o importe do gasto efectivamente xustificado, minorarase a aportación municipal no importe necesario para darlle estrito cumprimento ó apartado anterior.

IV.- Obrigas derivadas da execución e Contratación da execución.

1. É obriga do organizador "Asociación deportiva e cultural Voleipraia Costa da Morte" cumprir co esixido na regulamentación que se detalla de seguido debendo obter as autorizacións dos organismos competentes para celebrar as actividades subvencionadas:

- Lei 3/2021 do 2 de abril, do Deporte de Galicia.
- Real Decreto 849/1993 do 4 de xuño de 2003, sobre a contratación do seguro de responsabilidade civil e accidentes, así como o establecido no artigo 23 da Lei 13/2015, de 24 de decembro, de medidas fiscais e administrativas de Galicia
- Lei 10/2017, deo 27 de decembro, de espectáculos públicos e actividades recreativas de Galicia.
- Outra lexislación sectorial que resulte de aplicación.

2. O organizador levará un libro de rexistro dos participantes, os que identificará por Apelidos, Nome, DNI e datas e hora de participación na actividade.

3. O outorgamento dos contratos de servizos, asistencia ou suministros necesarios para a execución da actividade corresponderalle a Asociación deportiva e cultural Voleipraia Costa da Morte. Non se poderá contratar a realización de prestacións con personas ou entidades vinculadas, nen con calquera outra na que concurra algunha das circunstancias ás que se refire o artigo 29.7 da Ley 38/2003, del 17 de noviembre, General de Subvenciones.

4. No caso de que Asociación deportiva e cultural Voleipraia Costa da Morte tramite e aprobe algunha modificación do proxecto inicialmente aprobado, así como do contrato adxudicado, deberá remitirlle ó Concello de Carballo un exemplar do proxecto modificado.

V.- Publicidade e financiación municipal.

1. Na publicidade pola que se dé a coñecer a realización das actividades subvencionadas, xa sexa por medios escritos, radiofónicos, audiovisuais ou Internet, deberase facer constar o financiamento do Concello de Carballo.

2. Así, figurarán en lugar visible e destacado os logotipos do Concello de Carballo e de Carballo Deporte.

VI.- Pagamento.

1. Unha vez asinado o presente convenio, realizarase un anticipo do 95% do total concedido. Unha vez xustificada axeitada e correctamente a subvención realizarase o pago do 5% restante.

2. O abono da subvención materializarase mediante ingreso na conta da entidade financeira aportada na documentación de solicitude da subvención.

3. En canto ó pagamento é de aplicación o establecido na cláusula IX.

VII.- Documentación Xustificativa.

Unha vez rematadas as actividades, Asociación deportiva e cultural Voleipraia Costa da Morte deberá presentar a xustificación documental seguinte:

1. Memoria de actuación suscrita polo representante legal de Asociación deportiva e cultural Voleipraia Costa da Morte, xustificativa do cumprimento das condicións impostas no presente convenio, coa indicación das actividades realizadas e dos resultados obtidos.

2. Relación clasificada dos gastos realizados, na que se indiquen os acredores co seu NIF, os documentos xustificativos, os importes (con IVE e sen IVE) e, no seu caso, datas de pago. Tamén se indicarán as desviacións con respecto ó orzamento detallado na cláusula segunda.

3. Con esta relación adxuntaranse os orixinais ou copias debidamente compulsadas das facturas e xustificantes de gasto, que deberán estar comprendidas entre o 1 de xaneiro e o 31 de decembro de 2025.

4. No caso de que se presenten copias compulsadas, con carácter previo á compulsación deberá extenderse unha diligencia sobre o original na que se deixe constancia de que foi presentada como xustificante de gasto para o cobro dunha subvención otorgada polo Concello de Carballo.

5. Declaración de outras axudas ou subvencións solicitadas ou concedidas para a mesma finalidade.

6. Proba do cumprimento das obrigas asumidas na cláusula quinta, mediante a aportación de documentos nos que conste a publicidade do financiamento do Concello de Carballo.

VIII.- Prazo para a realización da actividade e prazo de xustificación.

1. As actividades que son obxecto de financiamento municipal, tal como están descritas na cláusula primeira rematarán o día 14 de setembro de 2025.

2. Unha vez rematadas as actividades, Asociación deportiva e cultural Voleipraia Costa da Morte deberá presentar a xustificación documental á que se refire a cláusula sexta transcurrido un mes dende a data do remate efectivo das actividades, ou no caso de actividades xa rematadas á sinatura do convenio, transcurrido un mes dende a mesma.

3. De conformidade con disposto no artigo 70.3 do Regulamento da Ley de Subvenciones (Real decreto 887/2006, del 21 de julio), transcurrido este último prazo sin que se recibira xustificación algunha, a unidade xestora remitiralle un requerimiento a Entidade Beneficaria para que a presente no prazo improrrogable de QUINCE DÍAS. A falla de xustificación da subvención neste prazo excepcional dará lugar á perda da subvención e demais responsabilidades previstas neste convenio e na lexislación aplicable ó respecto.

IX.- Cumprimento das obrigas tributarias e coa Seguridade Social e a súa acreditación.

1. Asociación deportiva e cultural Voleipraia Costa da Morte deberá estar ó día, con carácter previo á sinatura deste convenio, e posteriormente, con carácter previo ó pago da subvención, no cumprimento das obrigas tributarias ca Administración do Estado, ca Comunidade Autónoma, co Concello de Carballo e coa Seguridade Social.

2. O Concello de Carballo comprobará o cumprimento de ditas obrigas, ó cal non se opón Asociación deportiva e cultural Voleipraia Costa da Morte.

X.- Destino e manexo dos fondos recibidos.

1. Asociación deportiva e cultural Voleipraia Costa da Morte destinará os fondos recibidos ó pago dos gastos xenerados pola actividade proxectada.

2. Co fin de garantir un axeitado control da aplicación dos fondos, o pago deberá quedar acreditado documentalmente mediante a utilización de transferencia bancaria, tarxeta de débito ou crédito, cheque nominativo ou cualquera outro medio que deixe constancia da data de pago e da identidade do perceptor. Só se poderá realizar o pago en metálico para gastos de ata 300,00 €.

3. Asociación deportiva e cultural Voleipraia Costa da Morte deberá contar con un rexistro cronolóxico de cobros e pagos nos que se inclúan, entre outros, os relativos ós gastos xustificadas e ós ingresos declarados con respecto a esta subvención.

XI.- Control financeiro do Concello de Carballo e dos órganos de control externo.

O beneficiario deberá someterse ás actuacións de comprobación e control que os órganos competentes do Concello realicen, a través dos seus servizos técnicos, respecto do cumprimento dos seus compromisos, así como da aplicación dos fondos percibidos, aportando canta información sexa requirida. De igual forma quedarán sometidos ás actuacións que poidan realizar o Consello de Contas de Galicia ou o Tribunal de Cuentas.

XII.- Reintegro, infraccións e sancións.

1. O incumprimento dalgunha das cláusulas previstas no presente convenio de colaboración poderá dar lugar á obriga de reintegro parcial ou total dos fondos recibidos, así como ó pago dos intereses de demora que se devenguen dende o día no que se realizou o pago ate o momento en que se acorde a procedencia do reintegro.

2. Se perxuízo do anterior, dito incumprimento tamén poderá ser constitutivo dalgunha das infraccións tipificadas na Ley 38/2003, del 17 de noviembre, ou na Lei 9/2007, do 13 de xuño, de Subvencións de Galicia, séndolle de aplicación o cadro de sancións previstas nas normas citadas.

3. Se se produce retraso no prazo de xustificación e non excede de un mes, a sanción prevista na lei imporase no grao mínimo e será do 10 por 100 do importe da subvención outorgada co límite de 75,00€. Se excede dun mes e non chega a tres, a sanción imporase no seu grao medio e será do 20 por cento do importe da subvención outorgada co límite de 400,00€, e se a extemporaneidade da xustificación excede de tres meses, a sanción imporase no seu grao máximo e suporá o 30 por 100 do importe da subvención, sen que poida superar o importe de 900,00€.

XIII.- Incorporación ó rexistro público de subvencións e publicación da subvención concedida.

No cumprimento do disposto no artigo 18.2 da Ley 38/2003, general de subvenciones, e demáis normativa de desenvolvemento, o Concello de Carballo remitirá a Base de Datos Nacional de Subvenciones información sobre a concesión desta subvención a Asociación deportiva e cultural Voleipraia Costa da Morte.

XIV.- Vixencia do convenio, prórroga ou modificación.

O prazo de vixencia do presente convenio rematará o 31 de decembro de 2025.

XV.- Natureza, interpretación, modificación e xurisdicción competente.

1. O presente convenio ten natureza administrativa e para resolver as dúbidas que xurdan na interpretación das súas cláusulas aplicaranse as disposicións contidas na Ley 38/2003, del 18 de novembro, General de Subvenciones, e na Lei 9/2007, do 13 de xuño, de Subvencións de Galicia. Supletoriamente aplicarase a lexislación de contratos do sector público.

2. Corresponderalle ós órganos da xurisdición contencioso-administrativa, segundo a distribución de competencias disposta na Lei 29/1998, do 13 de xullo, reguladora desa xurisdición, o coñecemento das cuestións litigiosas que poida xurdir a consecuencia do presente convenio.

Faise constar que o presente convenio foi aprobado por acordo da Xunta de Goberno Local de 7/04/2025.

E en proba de conformidade asinan exemplar do presente convenio en lugar e data indicados no encabezamento."

E para que conste, para os efectos oportunos expido o presente certificado coa reserva establecida

CONCELLO DE CARBALLO

C.I.F.: P1501900C
Praza do Concello S/N
Teléfono 981 70 41 00
www.carballo.gal
infocarballo@carballo.gal
15100 CARBALLO- A Coruña



Exp. 2025/G007/000007

no art. 206 do R.O.F., de orde e co visto e praxe do Sr. Alcalde, en Concello de Carballo, asinado dixitalmente na data que figura ao marxe.

V. e Pr.
O alcalde